

նայն տեսողաց, և զի ոչ մնաց և ոչ մնայլ կարէ 'ի վերայ հաստատութեան զամենայն զոր ինչ 'ի յերեսս երկրի ընդ հովանեաւ բնութեան մարդոյ ոչ կարգ, ոչ կանօն, ոչ հրաման, ոչ հնազանդութիւն, ոչ սէր, ոչ թշնամութիւն, ոչ պատիւ, ոչ նախատինք, ոչ կեանք և ոչ վախճան, եթէ չիցէ ընթացեալ 'ի ճանապարհաւ և կերպիւ և համեմատութեամբ բնական բնութեան մարդոյ 'ի զօրութենէ բանական հոգոյ ընարողութենէ, եթէ ընթերցող սորայ գուցէ այնքան պատանի, որ 'ի միտս իւր կարի առնուլ՝ թէ զի արդ հրաման կայսեր և թագաւորաց, որ երբեմն ընդ դէմ բնութեան մերոյ իբրև փայլակ ելանէ և ոչ նայի համեմատութիւն ինչ բնութեան մերոյ, և կատար հասանի 'ի վերայ նորայ, փոքր խօսիւք ցուցից նշաւակ ինչ վասն հաստատելոյ խօսքն իմ, որ 'ի վեր այսինքն՝ կայսրն հրամայէ զիս առնուլ թեւս և թռչիլ 'ի հօգս, և կամ զգենուլ փող և մուծանիլ զիս 'ի խորս ովկիանոս ծով, և բանալ աչք իմ ընդ դէմ ճառագայթի արեգական քննել զամենայն, զոր ինչ 'ի միջի նորայ, և ոչ ուտիլ քառասուն ամ, և ոչ յեղուլ արտաքս 'ի յորովայնէ և այլ նման սորայ ընդ դէմ բնական բնութեան հրամանի, երկայնամիտ լեր ընթերցող, եթէ 'ի վեր փոքրիկ վկայիւք յիշեցուցեալս վասն սիրոյ և կամ յերկիւզի և հնազանդութեան կայսեր կարես դու անձամբ անձի կատար հասուցանել,